

vnd ein halben Tag darinnen / vnd verbutte ihm das er den Stein niemand zeigte / noch sehen ließ / vnd in demselben Tag vnd Nacht / genas er fry vnd verstunde der Fluß / vnd gieng ihm kein Troffen mittermehr.

Heinr von Cham redt / erhetete den Blutfluß / des rothen Schadens / den ihm niemand könt stellen / das er mit den Heiligen Sacramenten versorget wurde / da bunde ihm Martin Schryber syn Stein in syn rechte Hand / vnd ließ den ein Nacht / vnd morndeh ware er fry genesen / vnd berühret ihn nicht mehr. Er hab auch demnach / ein Kind gehabt / vngesährlich eines Jahrs alt / dem haben sie den Sein / auffs bloße Syblin gebunden / ein Nacht / da genas das Kind von stundan / daß er vil Kind wüsse / die alle also / mit der Hilff Gottes vnd dem Stein genesen syend.

Anna Zimmerman redt / sie habe auch den Blutfluß treffentlich gehabt / das syro niemand gehelffen kont / da habe syro / auch Martin Schryber / mit sinem Stein geholffen / in einem Tag / das es sie nicht mehr berüert hat. Sy hatte auch by syro / ein arme Hausfrawen / die hatte syr fräwlich Kranckheit so vnbillich / fast vnd lang / das syro niemand gehelffen könt / da habe syro Martin Schryber / mit synem Stein / in einem Tag vnd einer Nacht gehulffen das sye fry genesen zc.

Welcher Rundschaft der offte gemelt Martin Schryber / vnser Burger / begehrete eines Brkunds / das wir ihme mit vnser Statt Secret angehencktem Insigel besiglet geben haben / vff Donstag nach S. Martins Tag Anno 1523.

Das sechß vnd zwankigst Capitel. Von Vöglen.

Vff dem Vier Waldstätten See / befinden sich nicht allein die gemeinen vnd bekandten Wasservögel / als die Keyger / Rohrdommel / oder Rohrluhe / sonsten auch genant Rohrmunz / Schneegans / Schwarben / oder Wasserzappen Rhein Schals Blasz Rosß Störz Grab vnd andere gattung Enten / Teücher / hie genant Holten / Mören / anderstwo Böhlinen / Luchensein / etlich gattung Wasserhänlein / Wasser Ambsel / Wasser schnäpfflein / vilerley species